


www.BibleForChildren.org




Juan 14



Mëntšánaca Jesús tojánayana: —Ndoñe ainana
tsetšanënga matsmënana. Tšëngaftanga Bëngbe
Bëtsábeñe šmondošbuaché; átšbeñnaca
šmochtsošbuáchiye. Atšbe Taitá Bëngbe Bëtsá
endmënoca, ba luarënga joyénanama endmëna.




Ndoñe chca tontsemnëse, atše chca matchbënjáuyana.
Morna, cha endmënoye atše chanjá tšëngaftangbiam
canÿe luare joyéнанama jabuáprontama. Atše chaijá y
chë luare chacbojabuaprontá ora, cachiñe moye
chanjésabo, tšëngaftanga átšeftaca junatsama. As,
atše chaitsemnoye,
tšëngaftángnaca
chašmotsá
joyéнанama.



Atše Juan, Jesucristbeyeca tšëngaftangbe catšata,
cháftaca cánÿiñe mo canÿacá bétsemnama,
cach tšëngaftangcá sëndëpadecena,

tšëngaftangcá
chanjěftsashjache




Bëngbe Bëtsabe

amëndayoye
jamashënguama,
y tšëngaftangcá
Bëngbe Bëtsábeñe
jtsobátmanëse, ...



... uantado sëndmëna chë padecena soyënguiñe.
Bëngbe Bëtsabe palabra sënjanabuayiynamay
Jesusbiamá ntšamo


ndegombre endmëncá
sënjanóyebuambnama,




atše smonjetsanëtsëna
mar béjayoca canye
fshantsentše, Patmos
ca uabáinoca.




Cachora, chë Uámana Espíritbeyeca, mo atšbe ainana celoca cuaftsemncá atše sënjanoquedá, y sënjáninýe celoca enjétsemna canýe reybe uámana puesto, y chentše canýa enjétsetbemana.




Y sënjanuena, lempe ntšamo Bëngbe Bëtsá tojanmcá
aina soyënga, celoca, quem luarentše, quem
luarentša jashenoye y chë mar
béjayoca, chëngnaca mëntšá
monjétsichamo: ¡Chë uámana
puestentše tbemanábioye y chë
Oveshatema
nÿetscanga
nÿets
tempo ...




... y n̄etsca tescama chamótsatacheuanaye y
chamotsichamo chata puerte uámanata y n̄ets
respeto buajonata ibomna ca, y
chamotsin̄yan̄ná chata puerte
b̄ets̄etsata y obenata
b̄etsemnama ca!




Sënjáinýe chë “uámana ca” uabaina bëts pueblo, chë tsëm bëts pueblo Jerusalén, Bëngbe Bëtsábiocana celocana enjétsostjajuana, puerta botamaniñe, mo canýe shembása puerta botamananacá, chabe boyá jábocnabiamama.




Y chora canÿe jabuache oyebuambnayana Bëngbe
Bëtsabe uámana puestentšana sënjanuena, mëntša:
“Mouena. Bëngbe Bëtsá entšángaftaca echántsemna y
cha chëngbeñe echantsiyena. Chënga chabe entšanga
mochántsemna, cach Bëngbe Bëtsá chëngaftaca
echántsemna,
y cha chëngbe
Bëtsá
echántsemna.”




Chë ángel šonjaninýinýé chë enjanobějna bėjaye vida bomniye. Chë búyeshe enjamna ndëtsenguiye y tëshínýniye mo cristal cá. Enjanóbocana chë Bëngbe Bëtsá y chë Oveshatembe uámana puestocana, y chë más bëts tsashená tsëntsajana enjanobějna.



Chë bëts pueblentše ndoñe quenjatsiyta shinÿe o
juashcona chaotsebínÿnaye, er Bëngbe Bëtsabe
buashinÿinÿanana chentše enjëtsebinÿnaye, y chë
Oveshatembe buashinÿinÿanana mo uajuinÿanëshacá
enjamna chë bëts pueblama.



Pero ndocna te
queochatómashëngo
ndayánaca, y chë soye
chaotsama entšanga
ndoñe tšábenga
chamotsemnama
Bëngbe Bëtsá
jadórama; ni ndocná
queochátamashëngo,
Bëngbe
Bëtsabiamanÿatondayama
ogustana soyënga amá o
ínÿengbioye jáingñama soyënga amá.



Choye mochanjámashjna
nyë chë ndëmuanyëngbe
uabaina yojtsábemana
chë Oveshatembe
librëšañe, chë nyetsca
tescama tšabe vida
mochjónyënyëngbe
uabaina
uábemanentše.



“Cha echanjama chënga ndocna te más
ngménënga chamondëtsemnama, y
ndoñe más chamondóbanama, ndoñe
más chamondošachema, ni ngménaca
ndoñe chamondëtsóyebuambnama y
ndoñe más tsetšanana
chamondëtsebomnama; er ntšamo
chënga entšangcá fshantsoca tempo
imojëftsiyena ora enjamncá, chora ya
ndoñe chca queochátsmëna ca.”




Choca ndocna soye queochátsmëna chë ndayama
Bëngbe Bëtsá tojayana ndoñe tšabá yondmëna ca, y
ndaye bacna soye japásama chaotsemna soye. Chë
Bëngbe Bëtsá y chë Oveshatembe uámana puesto
chë bëts pueblentše
echántsemna, y
chatbe oservénënga
mochántsadorana.




Chënga mochanjinÿe Bëngbe Bëtsabe jubiá, y chabe
uabainachëngbe juentsaca mochantsambaye.



Y chë obanënga sënjananÿe, bëtsëtsanga y
básesenga, chë uámana puestentša natsanoica
monjétsatsana; y chë librëšangá tmonjanëtëfjo, y inÿe
librëšanaca, ndëmuanyënga nÿetsca tescama tšabe
vida mochjónÿenëngbe uabaina
uabemana librëša.




Chë obanëngbiama tmonjánayana ntšamo
chëngaftaca jamama yojtsemnana, cachënga vida
imojábomna ora ntšamo tmojëftsema soyëngaca,
ntšamo chë librëšangañe yojanabemancá. y
ndëmuanyëngbe uabaina chë tšabe
vida mochjónyënnëngbe
uabaina iuábemana
librëšañe ndoñe
yonjanabemana,
chë íñesheca
uafjajónayoye
tmontsanatmetše.



Chë Uámana Espíritu y chë Oveshatembe shema
bondbétsichamo: “¡Mabo ca!” Y nda chca
chaojouená cháuayana: “¡Mabo ca!”



Y mo nda tša uajuendayana tojtsebomna, tojabo y
bëtská béjaye cuafjofšecá, cachcá nda tša tojtseboše
Jesusbe soyënga jtsebomnama, chábioye chaobeconá
y cha echanjama chë soyënga cha chaotsebomnama y
chë nyetsca tescama yomna tšabe vídnaca, chca
jtsebomnama
tondaye
ntsotjañcá.



Mëntšánaca Jesús tojánayana:
—Bëngbe Bëtsá quem luare
entšángbioye tša
yojánababuanÿeshanayeca,
chë nÿe canÿe Uaquiñá
ibobomná, bëngbioye
tbojichmó, ...



... n̄yetsca chábeñe ošbuáchiyënga
ndoñe chamondóbanama, y aíñe
chë n̄yetsca tescama yomna tšabe
vida chamotsebomnama.



Romanos 3:23 Er n̄yetscanga bacna soye tmojama,
y ch̄e causa, ndocna ent̄sá tonjobená jashjáchana ndocna
bacna soye ndbomná jtsemnama y puerte b̄etsá
jtsemnama, nt̄samo B̄engbe B̄etsá tojanjuabocá
ent̄sanga chamotsemnama.

Romanos 6:23 Bacna soȳenga tcojtsament̄sana jóbocnana
ent̄sá n̄yetsca tescama castiganá chaotsemnama, mo
B̄engbe B̄etsabe bominȳiñe n̄yetsca tescama oban̄enga
cuajtsemncá; pero, B̄engbe B̄etsá šojtsat̄satná
soȳenguent̄sana, jóbocnana ch̄e n̄yetsca tescama
yomna t̄sabe vida jtsebomnana, Cristo Jesús B̄engbe
Utabnáftaca cán̄yiñe mo can̄yacá jtsemn̄ese.



Hebreos 9:27 Cachcá, ntšamo nyetsca entšanga
jtsamnana nye canye jobanama, y chentšana Bëngbe
Bëtsá chëngbiana jayanana chë imojëftsiyenëntscuana
ntšamo tmojanmcá tšabá o ndoñe tšabá bëtsemnama,
y chëngaftaca jamana ntšamo chora tojajuabocá.

Efesios 2:8,9 Er Bëngbe Bëtsá tšëngaftangbiana tšabe
juabna yojánbomnayeca, tcmojatsebacá, Jesucristbeñe
šmojtsanošbuáchema; pero atsebácanënga šmondmëna,
ndoñe cach tšëngaftanga ndayá šmojánmayeca,
ndayá ats bocaná jtsemnana endmëna
Bëngbe Bëtsabe canye tšetana soye.
Atsebácanënga šmondmëna, ndoñe cach tšëngaftanga
ndayá šmojánmayeca; chíyeca ndocná quenátobena
jtsenábotamnayana ats bocaná yojtsemnama.



Romanos 10:9,10 Chë buayenana soyënguiñe endayana,
Jesús ndegombre Bëngbe Utabná yomna ca aca
tcojayanëse, y Jesucristo cháuatayenama Bëngbe Bëtsá
tojanmama, nyets ainánaca tcojtsošbuáchese, Bëngbe
Bëtsá cmochjatsbocá ca. Er ainanoca bënga Jesucrístbeñe
jtsošbuáchiyana y Bëngbe Bëtsá jamana cachabe
bominyiñe tsábenga chamotsemnama; palabrëngaca
bënga jinyanÿiyana ndegombre Jesucrístbeñe
imojtsošbuáchema, y Bëngbe Bëtsá bënga játsebacana.



Juan 3:16,17 Mëntšánaca Jesús tojánayana:

—Bëngbe Bëtsá quem luare entšángbioye tša
yojánababuanÿeshanayeca, chë nÿe canÿe Uaquiñá
ibobomná, bëngbioye tbojichmó, nÿetsca chábeñe
ošbuáchiyënga ndoñe chamondóbanama, y aíñe chë
nÿetsca tescama yomna tšabe vida chamotsebomnama.

Er Bëngbe Bëtsá chabe Uaquiñá quem luaroye ndoñe
tbonjichmó quem luare entšangbiana jabáyanama ntšamo
tmojamama castigánënga chaotsamnama ca, sinó,
entšanga chábeyeca atsebácanënga chamotsemnama.



1 Juan 5:11-13 Ntšamo Bëngbe Bëtsá chabe Uaquiñabiamá tojayancá mëntšá entsemna: Bëngbe Bëtsá bëngbiamá tojama chë nyetsca tescama yomna tšabe vida chamotsebomnama; y quem vida chabe Uaquiñábeñe entsemna. Nda Bëngbe Bëtsabe Uaquiñáftaca cányiñe mo canyáca tojtsemna, cha chë tšabe vídnaca jtsebomnana; pero nda chë Bëngbe Bëtsabe Uaquiñáftaca cányiñe mo canyáca ndoñe tontsemna, cha chë nyetsca tescama yomna tšabe vida ndoñe ntsebomnana ca.

Tšëngaftanga, chë Bëngbe Bëtsabe Uaquiñábeñe šmošbuachéngbioye quem soyënga cbontsëbuabiamná, ndegombre chašmotsetatšëmbuama chë nyetsca tescama yomna tšabe vida šmojtsebomnama.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Camsá Bible (kbh) © 2009, Wycliffe Bible Translators, Inc.
All rights reserved.

<https://www.bible.com/bible/1085/MAT.1.KBH>

©2026 Bible for Children, Inc.

www.M1914.org

www.bibleforchildren.org

